



SIRI 22/2020

**RM2.16 JUTA UNTUK *DAPUR IT'AM* SEDIAKAN JUADAH BERBUKA PUASA
BAGI GOLONGAN SASAR DI WILAYAH PERSEKUTUAN SETIAP HARI
SEPANJANG RAMADHAN 1441H**

1. Firman Allah SWT:

وَيُطْعِمُونَ الطَّعَامَ عَلَى حُبِّهِ مِسْكِينًا وَيَتِيمًا وَأَسِيرًا

“Mereka juga memberi makan benda-benda makanan yang dihajati dan disukainya, kepada orang miskin dan anak yatim serta orang tawanan.”

2. *Dapur It'am* adalah inisiatif yang digerakkan di Wilayah Persekutuan oleh Jabatan Agama Islam Wilayah Persekutuan (JAWI) bagi memastikan juadah berbuka puasa sepanjang Ramadhan tersedia khususnya kepada golongan sasaran seperti asnaf, rakan jalanan dan B40.
3. Majlis Agama Islam Wilayah Persekutuan memperuntukkan RM2.16 juta sebagai bantuan tambahan bagi 72 masjid dan Surau Diri Jumaat di Wilayah Persekutuan Kuala Lumpur, Putrajaya dan Labuan yang akan mengambil bahagian dalam program sepanjang bulan Ramadhan ini. Urusetia yang terlibat adalah tertakluk kepada garis panduan pelaksanaan yang mengambil kira prosedur standard operasi sepanjang Perintah Kawalan Pergerakan.
4. Semoga Madrasah Ramadhan pada kali ini memberi makna kepada kita dalam memahami erti pengorbanan, persaudaraan dan kesaksamaan dalam mencapai ketakwaan kepada-Nya.

YB SENATOR DATUK DR. ZULKIFLI MOHAMAD AL-BAKRI
MENTERI DI JABATAN PERDANA MENTERI (HAL EHWAL AGAMA)
22 APRIL 2020 BERSAMAAN 28 SYAABAN 1441H